

Visoka škola eMPIRICA privodi kraju pripreme za nastavu

Studij koji nudi savremeno i upotrebljivo znanje u oblasti informatike

Organizacija, opremljenost i literatura za uspješnu realizaciju nastavnog procesa

Visoka škola računarstva i poslovnih komunikacija eMPIRICA u Brčko distriktu BiH krupnim koracima obavlja pripreme za nastavu u akademskoj 2012./2013. godini. U julu i avgustu je za svoje nastavno osoblje organizovala treninge za rad na platformi za eUčenje - eCampus. Kako pored klasičnog "face-to-face" načina studiranja Visoka škola eMPIRICA svojim studentima nudi i studij na daljinu preko platforme za eUčenje - eCampus, neophodno je bilo svo nastavno osoblje osposobiti da uspješno i efikasno kreira elektronske obrazovne sadržaje koji će putem interneta biti dostupni studentima. Profesori, predavači i asistenti Visoke škole su naučili kako kreirati e-materijale, e- učionice, forume, pričaoalice, ispite i ostale sadržaje koji će se nalaziti na platformi eCampus. Poseban akcenat stavljen je na kreiranje e-materijala koji će sadržavati dovoljno potrebnih informacija za studente, a pri tome koristiti zanimljive načine kako te informacije prezentirati studentima. Tu se prije svega misli na različite



Informativni dan

Valorizacija znanja

„Prvenstveno sam tražio studij na kom mogu dobiti savremeno i upotrebljivo znanje u oblasti informatike. Nisam početnik u IT oblasti, mogao bih reći da imam prilično iskustva, jer se već niz godina bavim time. Analizirao sam ponudu informatičkih studija u BiH, i prvenstveno me privukao nastavni plan i program Visoke škole eMPIRICA koji zaista prati trendove u oblasti IT-a. Nakon toga sam intenzivno komunicirao sa osobljem, imao sam mnoštvo pitanja, na koje sam dobio odgovore, a koji su me zaista uvjerili da se odlučim za studij na toj Visokoj školi. I da, tražio sam fakultet na kom se valorizira znanje, i diploma ne garantuje time da ste samo upisali i uplatili studij“, kazao je Aleksandar Grbić, brucoš na ovoj visokoškolskoj ustanovi.

audio i video sadržaje, linkove na dodatne izvore informacija, testove i pojedinačna pitanja pomoću kojih će studenti provjeravati svoje znanje pri učenju, te na prikazivanje upozorenja, zanimljivosti i savjeta i mnogih drugih sadržaja.

Besplatna literatura za sve studente

Literatura za I godinu studija je nabavljena u potpunosti, tako da će studenti imati svu potrebnu literaturu na raspolaganju besplatno, kroz biblioteku eMPIRICA-e. I sami studenti su izrazili zadovolj-



Trening nastavnog osoblja



Aleksandar Grbić

stvo bogatstvom literature, koja im je predstavljena na 3. Informativnom danu, organizovanom 8. septembra u prostorijama Visoke škole. Kao i prethodna dva info dana, i ovaj je polučio veliko interesovanje potencijalnih studenata. Naime, drugi rok za podnošenje prijave na Visokoj školi eMPIRICA bio je od 13.08. do 22.09.2012. godine te su mnogi zainteresovani studenti iskoristili ovu priliku da se uvjere da je studiranje na ovoj visokoškolskoj ustanovi pravi izbor za njih. Posebno nas je ovoga puta obradovala posjeta određenog broja studenata koji su već upisali studij na Visokoj školi eMPIRICA na prvom upisnom roku, i njihovo zadovoljstvo organizacijom, osobljem, opremljenošću i literaturom obezbijeđenim za uspješnu realizaciju nastavnog procesa.

Pripreme za 7. Procom IT Forum

Pored svojih redovnih priprema za nastavni proces u akademskoj 2012/2013. godini, Visoka škola

eMPIRICA je aktivno učestvovala i u pripremi i realizaciji 7. Procom IT Forum koji se održao u periodu 26.-29. septembra 2012. godine u hotelsko-rekreacijskom centru Aquareumal u Fojnici. Teme ovogodišnjeg Forum su: Cloud tehnologija i servisi – Oblaci i servisi za obične korisnike; Videokonferencijski sistemi i tehnologije – Ušteda radom i učenjem na daljinu; Upravljanje kvalitetom u realnom vremenu – ISO standardi u funkciji; Informacijska sigurnost – standardi i primjeri iz prakse; Cjeloživotno učenje – Podignimo intelektualni kapital firme; Sve o autorskim pravima i licencama – Kako biti legalan a uštedjeti novac; Tehnološki noviteti u svijetu hardvera i softvera.

Osim standardnih prezentacija upriličeni su i mini seminari na teme: Informacijska sigurnost na radnom mjestu te Prezentacijske i Komunikacijske vještine.

Pripremila: Amra J. Jusić